

十四 三 十五 二十四 千一百六十二 四十五 千六十五



皇清經解續編卷千四百十一終

善化劉鉅校
海甯蔣廷鑑

皇清經解續編卷千四百十一

南菁書院

何休注訓論語述

實應劉恭冕叔俛著其緒

公羊僖十年春王正月公如齊解詁故如京師善則月榮之如齊晉善則月安之如楚則月危之明當尊賢慕大無友不如己者

公羊閔二年解詁繫閔公篇於莊公下者子未三年無改於父之道傳曰則曷為於其封內三年稱子緣孝子之心則三年不忍當也

按宋翔鳳論語發微云道治也三年無改於父之道謂繼體為政者也

公羊宣九年春王正月公如齊解詁月者善宣公事齊合古禮

皇清經解續編

何休注訓論語述

一

皇清經解續編
卒使齊歸濟西田不就十年月者五年再朝近得正孔子曰知和而和不以禮節之亦不可行也明雖事人皆當合禮

公羊宣八年葬我小君頃熊雨不克葬庚寅日中而克葬解詁孔子曰生事之以禮死葬之以禮祭之以禮故不得行禮則不葬也

公羊文十三年惟一介斷斷焉無他技解詁他技奇巧異端也孔子曰攻乎異端斯害也已

案鄭注大學云他技異端之技也與何同慕大無文不服曰公羊隱三年王二月己巳日有食之解詁不言月食者其形不可得而覩也故疑言日有食之孔子曰多聞闕疑慎言其餘則寡尤

案何意謂經書日有食之是闕疑不言月食是慎言其餘

公羊宣六年解詁孔子曰禮與其奢也甯儉

公羊襄七年公會晉侯宋公陳侯衛侯曹伯莒子邾婁子于鄆陳侯逃歸解詁加逃者抑陳侯也孔子曰夷狄之有君不如諸夏之亡不當背也

案陳侯事楚背晉故何引論語說之哀十三年公會晉侯及吳子于黃池吳何以稱子吳主會也吳主會則曷爲先言晉侯不與夷狄之主中國也解詁明其實以夷狄之疆會諸侯爾不行禮義故序晉於上主書者惡諸侯之君夷狄是何意夷狄兼指吳楚劉逢祿論語述何去夷狄之者春秋於中國無禮義則狄之衛劫天子之使則書戎伐邾牟葛三國同心

皇清經解續編
朝事魯桓則貶稱人之類言朝則有君可知諸夏之者如潞
子嬰兒之離於夷狄雖亡猶進爵書子君子之所與也書滅
亡國之善辭言當興也案劉說夷狄諸夏以有禮義無禮義
別之不必以夷狄爲四荒所在也亦就公羊義引申之
公羊桓八年傳春曰祠夏曰餉秋曰嘗冬曰烝士不及茲四者
則冬不裘夏不葛解詁士有公事不得及此四時祭者則不敢
美其衣服蓋思念親之至也故孔子曰吾不與祭如不祭

案論語言吾不與祭是有攝祭可知特牲饋食禮云特牲饋
食之禮不誨日注士賤職褻時至事暇可以祭則筮其日矣
不如少牢大夫先與有司於廟門誨丁巳之日賈疏鄭云時
至事暇可以祭者若祭時至有事不得暇則不可以私廢公

故也若大夫已上時至唯有喪故不祭自餘吉事皆不廢祭

若有公事及病使人攝祭故論語注云孔子或出或病而不

自親祭使攝者爲之不致肅敬其心與不祭同此注全同包注今鄭注輯

本亦采入恐非就賈此疏所引論語注釋之明謂孔子仕爲大夫得

使人攝祭也今劭公引以證士禮劉逢祿述何戴望論語注皆用之非論語

之旨

公羊文二年練主用栗解詁謂期年練祭也埋虞主於兩階之
間易用栗也夏后氏以松殷人以柏周人以栗松猶容也想見
其容貌而事之主人正之意也柏猶迫也親而不遠主地正之
意也栗猶戰栗謹敬貌主天正之意也

案此引文是論語作問主松柏栗皆宗廟練主所用不謂社

主也白虎通云祭所以有主者何言神無所依據孝子以主
 繼心焉論語云魯哀公問主於宰我宰我對曰夏后氏以松
 松者所以自棟動殷人以柏柏者所以自迫促周人以栗栗
 者所以自戰慄亦不相襲左文二年疏引論語家張包周等
 並為廟主與白虎通何休公羊注同則皆魯論說也古論作
 問社見許慎五經異義鄭據魯論作問主而義則從古論為
 社主與魯論說異 松容柏迫之義與白虎通松為棟動柏
 為迫促略同疑亦魯論家所傳之義然究不免附會五經異
 義夏后氏都河東宜松也殷人都亳宜柏也周人都豐鎬宜
 栗也大司徒設其社稷之壇而樹之田主各以其野之所宜
 木遂以名其社與其野注所宜木謂若松柏栗也許鄭解論

語此文皆以為地所宜木其說最允

穀梁廢疾云孔子曰君子去仁惡乎成名造次必於是顛沛必
 於是未有守正以敗而惡之 公羊昭二十年傳惡惡止其身解詁不遷怒也
 公羊僖二十六年公以楚師伐齊取穀公至自伐齊此已取穀
 何以致伐未得乎取穀也曷為未得乎取穀曰患之起必自此
 始也解詁魯內虛而外乞師以犯強齊會齊侯昭卒晉文行霸
 幸而得免孔子曰人之生也直罔之生也幸而免故雖得意猶
 致伐也

公羊昭二十三年公如晉至河公有疾乃復解詁舉公者重疾
 也子之所慎齊戰疾

公羊哀三年傳蒯瞶為無道靈公逐蒯瞶而立輒然則輒之義
可以立乎曰可其可柰何不以父命辭王父命以王父命辭父
命是父之行乎子也不以家事辭王事以王事辭家事是上之
行乎下也解詁雖得正非義之高者也故冉有曰夫子為衛君
乎子貢曰諾吾將問之入曰伯夷叔齊何人也曰古之賢人也
曰怨乎曰求仁而得仁又何怨出曰夫子不為也

案此引論語以正公羊之誤徐疏云子曰古之賢人也者言
古之賢士且有仁行若作仁字如此解之若作人字不勞解
也臧庸拜經口記據此疏以為當作古之賢仁案此說不然
若作仁字云云乃後人校語非疏原文蓋見疏言古之賢士
且有仁行謂疏所見注文當是賢仁後人誤躡入疏爾其實
疏意是彙括古之賢人求仁得仁二句解之非本作賢仁也

左氏膏肓云孔子不語怪力亂神以鬼神為政必惑眾故不言
也

公羊桓七年夏穀伯綏來朝鄧侯吾離來朝皆何以名失地之
君也其稱侯朝何貴者無後待之以初也解詁所謂故舊不遺
則民不偷

公羊隱十年二月公會齊侯鄭伯于中丘解詁月者隱前為鄭
所獲今始與相見故危錄內明君子當犯而不校也

公羊宣十七年公弟叔肸卒解詁稱字者賢之宣公篡立叔肸
不仕其朝不食其祿終身於貧賤故孔子曰篤信好學守死善
道危邦不入亂邦不居天下有道則見無道則隱此之謂也

公羊昭十一年楚師滅蔡執蔡世子有以歸用之惡乎用之用
之防也其用之防柰何蓋以築防也解詁持其足以頭築防惡
不以道孔子曰人而不仁疾之已甚亂也

公羊昭十二年伯于陽者何公子陽生也子曰我乃知之矣在
側者曰子苟知之何以不革曰如爾所不知何解詁此夫子欲
爲後人法不欲令人妄億錯子絕四毋意毋必毋固毋我

案此引毋意謂意度之也意與億同義

公羊襄二十九年飲食必祝解詁祝因祭祝也論語曰雖蔬食
菜羹瓜祭是也

案鄭注論語云魯讀瓜爲必今從古是古論作瓜屬上蔬食
菜羹爲句祭爲句魯論必祭爲句臧庸拜經日記謂何劭公

止通今學不當引古論此蓋用魯論之文以證傳中必祝後
人誤據今本改之案臧君此說似是而非魯論所見本亦作
瓜而讀爲必則改字例也南史顧憲之終制引魯論此文卽
作瓜祭是魯論並不作必劭公引疏食菜羹瓜祭以證飲食
必祝之義非所見魯論作必祭也

穀梁廢疾廐焚孔子曰傷人乎不問焉今穀梁以苞人民爲輕
斬樹木壞宮室爲重是理道之不通也

案此知何讀不問如字

公羊莊二十四年曹羈三諫不從遂去之故君子以爲得君臣
之義也解詁孔子曰所謂大臣者以道事君不可則止此之謂
也不從得去者仕爲行道道不行義不可以素餐所以申賢者

之志孤惡君也

案如何義不可則止謂去位不仕也顧與篇陳力就列不能

公者止義同

公羊宣八年葬我小君頃熊雨不克葬庚寅日中而克葬而者何難也乃者何難也曷為或言而或言乃乃難乎而也解詁言乃者內而深言而者外而淺下與日跌久故言乃孔子曰其為之也難言之得無劬乎皆所以起孝子之情也

案包慎言論語温故錄依何氏意似劬者謂其辭之委曲煩

重心有所不忍而不能徑遂其情故言之亦多重難鄭注云

初不忍言也說與何氏同牛之兄桓魋有寵於宋景公而為

害於公牛憂之情見乎辭兄弟怡怡不以義傷恩也而魋之

不其上則禍國下致絕族為之弟者必須涕泣而道徐遵明

公羊疏申解論語云言難言之事必須初而言之蓋初而言

正所以致其不忍之情故夫子以為仁案如包君所測為之

猶言處之也

公羊文三年為諛也解詁孔子曰自古皆有死民無信不立

公羊宣十年冬饑何以書以重書也解詁民食不足百姓不可

復興危亡將至故重而書之明當自省減開倉廩贍振乏哀公

問於有若曰年饑用不足如之何有若對曰盍徹乎曰二吾猶

不足如之何其徹也對曰百姓足君孰與不足百姓不足君孰

與足

公羊成十五年王者欲一乎天下曷為以外內之辭言之言自

是書經子貢論語何休注訓論語述

近者始也解詁明當先正京師乃正諸夏諸夏正乃正夷狄以漸治之季康子問政於孔子孔子曰政者正也子帥以正孰敢不正

案漢書王吉傳吉上疏曰臣聞聖王宣德流化必自近始朝廷不備難曰言治左右不正難曰化遠聖主獨行於深宮得公則天下稱誦之失則天下咸言之行發於近必見於遠此說公可證何義

左氏膏肓云孔子曰唯器與名不可以假人名不正則言不順公羊襄五年吳何以稱人吳郢人云則不辭解詁孔子曰言不順則事不成

公羊莊十年齊師滅譚譚子奔莒何以不言出國已滅矣無所出也解詁別於有國出奔者孔子曰君子於其言無所苟而已矣

公羊隱元年解詁大者正小者治近者說遠者來是以春秋上刺王公下譏卿大夫而逮士庶人 成十五年王者欲一乎天下曷為以外內之辭言之言自近者始也解詁明當先正京師乃正諸夏諸夏正乃正夷狄以漸治之葉公問政於孔子孔子曰近者說遠者來

案此言近者說遠者乃來也劉逢祿述何云春秋大一統必自近者始此其義也

公羊文十五年齊人來歸子叔姬聞之也父母之於子雖有罪猶若其不欲服罪然解詁孔子曰父為子隱子為父隱直在其

是書經解讀編 何休注訓論語述

皇清經解卷之九
中矣所以崇父子之親也
案鹽鐵論周秦篇父母之於子雖有罪猶匿之豈不欲服罪
子爲父隱父爲子隱未聞父子之相坐也

公羊莊十七年鄭瞻自齊逃來解詁繫鄭者明行當本於鄉里
也子貢問曰鄉人皆好之何如子曰未可鄉人皆惡之何如子
曰未可不若鄉人之善者善之鄉人之惡者惡之然此其平
案述何云言行本於鄉里春秋書鄭瞻之佞不以微者略也

本此注

公羊桓六年秋八月壬午大閱大閱者何簡車徒也何以書蓋
以罕書也解詁孔子曰以不教民戰是謂棄之故比年簡徒謂
之蒐三年簡車謂之大閱五年大簡車徒謂之大蒐存不忘亡
安不忘危

案述何用此注

公羊定十二年孔子行乎季孫三月不違曰家不藏甲邑無百
雉之城於是帥師墮邱帥師墮費解詁季氏說其言而墮之故
君子時然後言人不厭其言

公羊文九年以天子三年然後稱王亦知諸侯於其封內三年
稱子也緣孝子之心則三年不忍當也解詁子張曰書云高宗
涼闇三年不言何謂也子曰何必高宗古之人皆然君薨百官
總己以聽冢宰三年

案漢書五行志劉向以爲殷道既衰高宗承敝而起盡涼陰
之哀天下應之也亦作涼與何同伏生大傳書曰高宗梁闇

何為梁闇也傳曰高宗居凶廬三年不言此之謂梁闇鄭注
 書無逸云諒闇轉作梁闇棺謂之梁闇謂廬也又注論語云
 諒闇謂凶廬也如鄭此說伏生傳作梁用本字作諒作涼皆
 段借今無逸作亮亦段借文選閒居賦今天子涼闇之際李
 善注解為寒涼幽闇此望文為訓也
 公羊莊十七年齊人執鄭瞻書甚佞也解詁孔子曰放鄭聲遠
 佞人罪未成者但當遠之而已

案白虎通誅伐篇韓詩內傳曰孔子為魯司寇先誅少正卯
 謂佞道已行亂國政也佞道未行章明遠之而已論語曰遠
 佞人與何義合

公羊隱二年公會戎於潛解詁所傳聞之世外離會不書書內
 離會者春秋王魯明當先自詳正躬自厚而薄責於人故略外
 也 又紀履緌來逆女解詁內逆女常書外逆女但疾始不常
 書者明當先自正躬自厚而薄責於人故略外也

僖二十七年乙巳公子遂帥師入杞解詁曰者杞屬修禮朝魯
 雖無禮君子躬自厚而薄責於人不當乃入之故錄責之
 公羊昭二十九年冬十月運潰郟之也曷為郟之君存焉爾解
 詁不諱者責臣子當憂而納之殺恥不如救危也孔子曰不患
 寡而患不均不患貧而患不安其本乃由於圍成失大得小而
 不能節用

公羊定十二年季孫斯仲孫何忌帥師墮費孔子曰家不藏甲
 邑無百雉之城於是帥師墮郟帥師墮費解詁孔子曰陪臣執

國命采長數叛者坐邑有城池之固家有甲兵之藏故也

公羊定四年朋友相衛解詁君臣言朋友者闔廬本以朋友之

道爲子胥復讎孔子曰益者王友損者三友友直友諒友多聞

益矣友便辟友善柔友便佞損矣

案此謂人君以臣爲友也後漢書爰延傳故王者善人同處

公則日聞嘉訓惡人從游則日生邪情孔子曰益者三友損者

三友邪臣惑君亂夷危主以非所言則悅於耳以非所行則

翫於日故令人君不能遠之亦以三友指君臣言

公羊莊十二年宋萬弑其君接及其大夫仇牧及者何累也弑

君多矣舍此無累者乎孔父荀息皆累也舍孔父荀息無累者

乎曰有解詁復反覆發傳者樂道人之善也孔子曰益者三樂

損者三樂樂節禮樂樂道人之善樂多賢友益矣樂驕樂樂佚

遊樂宴樂損矣平桓二年孔父可謂義形於色矣解詁重道義

形於色者君子樂道人之善 僖二年城楚丘解詁復發傳者

君子樂道人之善也 成九年晉人來媵錄伯姬也解詁義與

上同復發傳者樂道人之善

案戴望注云傳曰春秋辭繁而不殺者正也

公羊僖十五年震夷伯之廟其稱夷伯何大之也曷爲大之天

戒之故大之也解詁明此非但爲微者異乃公家之至戒故尊

大之使稱字過于大夫以起之所以畏天命孔子曰君子有三

畏畏天命畏大人畏聖人之言

案此解天命主禍福言春秋繁露郊語篇引此文解之云以

此見天之不可不畏敬猶主土之不可不謹事不謹事主其禍來至顯不畏敬天其殃來至闇闇者不見其端若自然也
大由是觀之天殃與土罰所以別者闇與顯耳孔子同之俱言
可畏也又順命篇說此文云其祭社稷宗廟山川鬼神不以
其道無災無害至於祭天不享其牛不從使其牛口傷鼯鼠
食其角或言食牛或言食而死或食而生或不食而自死或
土改卜而牛死或卜而食其角過有深淺厚薄而災有簡甚不
可不察也以此見其可畏專誅絕者其唯天乎亦是主禍福
與何義同

公羊莊三十二年季子曰夫何敢是將爲亂乎夫何敢解詁再
言夫何敢者反覆思維且欲以安病人也孔子曰君子有九思
視思明聽思聰色思溫貌思恭言思忠事思敬疑思問忿思難
見得思義

公羊僖四年解詁善其重愛民命生事有漸故敏則有功
案徐彥疏云敏審也

公羊閔二年夏五月乙酉吉禘于莊公未三年也解詁孔子曰
子生三年然後免于父母之懷夫三年之喪天下之通喪

公羊定十四年城莒父及霄解詁去冬者是歲蓋孔子由大司
寇攝相事政化大行粥羔豚者不飾男女異路道無拾遺齊懼
北面事魯饋女樂以閒之定公聽季桓子受之三日不朝當坐
淫故貶之歸女樂不書者本以淫受之故深諱其本文三日不
朝孔子行魯人皆知孔子所以去附嫌近害雖可書猶不書或

說無冬者坐受女樂令聖人去冬陰臣之象也

案劉逢祿述何云齊人歸女樂春秋不書者內大惡諱定哀

多微辭也故難去冬以明聖功之不終焉從何前說

史記孔子世家敘此事在定公十四年何此注亦同也江永

鄉黨圖考獨以世家為非云定十三年夏有築蛇淵圃大蒐

比蒲皆非時勞民之事使夫子在位而聽其行之則何以為

夫子考十二諸侯年表及衛世家皆於靈公三十八年書孔

子來祿之如魯衛靈三十八當魯定十三蓋女樂事在十二

十三冬春之間去魯實在十三年春魯郊嘗在春故經不書

當以衛世家為正

公羊文十二年秦伯使遂來聘解詁秦繆公自傷前不能用百

里子蹇叔子之言感而自變悔遂霸西戎故因其能聘中國善

而與之使有大夫子貢曰君子之過也如日月之食焉過也人

皆見之更也人皆仰之

公羊昭三十二年冬仲孫何忌會晉韓不信齊高張宋仲幾衛

世叔申鄭國參曹人莒人邾婁人薛人杞人小邾婁人城成周

解詁書者起時善其修廢職有尊尊之意也孔子曰謹權量審

法度修廢官四方之政行焉

公羊宣十七年公弟叔肸卒解詁稱字者賢之禮盛德之士不

名天子上大夫不名春秋公子不為大夫者不卒卒而字者起

其宜為天子上大夫也孔子曰興滅國繼絕世舉逸民天下之

民歸心焉

皇清經解續編 何休注訓詁語述

公羊桓三年孔父正色而立於朝則人莫敢過而致難於其君者孔父可謂義形於色矣解詁內有其義而外形見於顏色孔子曰君子正其衣冠尊其瞻視儼然人望而畏之是也

公羊隱元年隱長又賢諸大夫拔隱而立之解詁諸大夫立隱不起者在春秋前明王者受命不追治前事孔子曰不教而殺謂之虐不戒視成謂之暴

皇清經解續編卷千四百十二終
仁和葉維翰校
長沙王先慎校

皇清經解續編卷千四百十三

南菁書院

禮記天算釋

曲阜孔廣牧力堂著

曲禮上

行前朱鳥而後元武左青龍而右白虎

釋曰史記天官書東宮蒼龍房心角亢氏尾箕南宮朱鳥東

井輿鬼柳七星張翼軫西宮咸池奎婁胃昂畢參觜觸參爲

白虎北宮元武虛危營室南斗牽牛婺女東壁

錢氏大昕十二史攷異

云北方七宿不及東壁蓋傳寫失之今據補

招搖在上注又畫招搖星於旌旗上招搖星在北斗杓端主指

者

釋曰金氏鶚求古錄云天官書北斗杓端有兩星一內爲矛